

大唐開元禮



大唐開元禮



大唐開元禮卷第九十

軍禮

合朔伐鼓

合朔諸州伐鼓

大儺

諸州縣儺

合朔伐鼓

二分二至卽否

其日合朔前二刻郊社令及門僕各服赤幘絳衣守

四門令巡門監察鼓吹令平巾幘袴褶帥工人以方

色執麾旒分置四門屋下龍蛇鼓隨設於左東門者

立於北塾南面南門者立於東塾西面西門者立於

南塾北面北門者立於西塾東面

門側堂曰塾麾杠各長一丈旒以方

色各長八尺

隊正一人著平巾幘袴褶執刀帥衛士五人

執五兵立於鼓外矛處東戟在南斧鉞在西稍在北郊社令立攢於社壇四隅以朱絲繩縈之太史官一人著赤幘赤衣立於社壇北向日觀變黃麾次之龍鼓一面次之在北弓一張矢四簇次之諸工鼓靜立候日有變史官曰祥有變工人齊舉麾龍鼓齊發聲如雷史官稱止工人罷鼓其日廢務百官守本司日有變皇帝素服避正殿百官以下府史以上皆素服各於廳事之前重行每等異位向日立明復而止

合朔諸州伐鼓

其日見日有變則廢務所司置鼓於刺史廳事之前
刺史州官及九品以上俱素服立於鼓後重行每等
異位向日立刺史先擊鼓執事代之明復俱止

大儺

大儺之禮前一日所司奏聞選人年十二以上十六
以下爲侁子著假面衣赤布袴褶二十四人爲一隊
六人作一行執事者十二人著赤幘禰衣執鞭二人
二十二人其一人方相氏著假面黃金四目蒙熊皮
玄衣朱裳右執戈左執楯其一人爲唱帥著假面皮
衣執棒鼓角各十合爲一隊隊別鼓吹令一人太卜

令一人各監所部巫師二人

令以下皆服平巾幘袴褶

以逐惡鬼

於禁中有司預備每門雄雞及酒擬於宮城正門皇城諸門磔禳設祭太祝一人齋郎三人右校爲瘞炤各於皇城中門外之右方深稱其事 前一日之夕儼者各赴集所具其器服依次陳布以待事 其日未明諸衛依時刻勒所部屯門列仗近仗入陳於階下如常儀鼓吹令帥儼者各集於宮門外內侍詣皇帝所御殿前奏倭子備請逐疫訖出命寺伯六人分引儼者於前長樂門永安門以次入至左右上閣鼓譟以進方相氏執戈揚楯唱帥倭子和曰甲作食殍

脾胃食疫雄伯食魅騰簡食不祥攬諸食咎伯奇食
夢强梁祖明共食磔死寄生委隨食觀錯斷食巨窮
奇騰根共食蠱凡使一十二神追惡鬼凶赫汝軀拉
汝體節解汝肉抽汝肺腸汝不急去後者爲糧周呼
訖前後鼓譟而出諸隊各趨順天門以出分詣諸城
門出郭而止儼者將出祝布神席當中門南向出訖
宰手齋郎鬻牲勾磔之神席之西藉以席北首齋郎
酌酒太祝受奠之祝史持版於座右跪讀祝文曰維
某年歲次月朔日天子遣太祝臣姓名敢昭告於太
陰之神玄冬已謝青陽馭節惟神屏除凶厲俾無後

艱謹以清酌敬薦於太陰之神尚饗訖興奠版於席
乃舉牲并酒瘞於炤訖退其內寺伯導引出順天門外止

諸州縣儺

方相四人俱執戈楯唱帥四人

戈今以小戟方相唱帥俱以雜職充之

振子

都督及上州六十八中下州四十人縣皆二十人其方相唱帥縣皆二人

取人年十

五以下十三以上雜職八人四人執鼓靴四人執鞭

前一日之夕所司帥領宿於州府門外

其縣門外亦如之未

辨色所司白刺史請引儺者入

其縣令則所司白縣令

將辨色

宦者二人出門各執青麾引儺者入

無宦者外人引導

於是

儺者擊鼓靴俱譟呼鼓鞭擊戈揚楯而入唱帥振子

和曰甲作食殂腠胃食疫雄伯食魅騰簡食不祥攬
諸食咎伯奇食夢强梁祖明共食磔死寄生委隨食
觀錯斷食巨窮奇騰根共食蠱凡使一十二神逐惡
鬼凶赫汝軀拉汝肝節解汝肉脯汝腹汝不急去後
者爲糧宦者引之徧索諸室及門巷訖宦者引出出
中門所司接引出仍鼓譟而出出大門外分爲四部
各趨城四門出郭而止初讎者入祝五人各帥執事
者以酒脯各詣州門及城四門其縣門亦準此讎者出便酌
酒奠脯於門右禳祝而止乃舉酒脯埋於西南酒以爵脯
以邊其祝文曰維某年歲次月朔日祝姓名敢昭告於

太陰之神寒往暑來陰陽之恆度惟神無佚其道以
屏殍厲謹以酒脯之奠敬薦於神尚饗

大唐開元禮卷第九十

大唐開元禮卷第九十一

嘉禮

皇帝加元服上

卜日

告園丘

告方澤

告宗廟

臨軒行事

謁見太后

卜日

皇帝將加元服有司卜日如別儀

告園丘

前一日諸告官清齋於告所諸衛各帥其屬晡後一刻各以其方器服守衛壇門守宮設告官以下次各

於常所設陳饌幔於內壝東門之外道北南向右校
埽除壇之内外郊社令積柴於燎壇如常儀奉禮設
版位於内外竝如常儀郊社令帥其屬以尊坩罍洗
篚冪入設皆如常儀執尊罍篚冪者各位於尊罍篚
冪之後太官令預具饌酒脯醢 告日未明四刻太
史令郊社令各服其服升設神席如常 未明二刻
諸告官各服其服郊社令良醢令入實尊罍玉幣太尊
二一實以明水爲上一實以汎齊次之山罍二一實以立酒爲上一實以清酒次之玉以四圭有邸幣以
蒼未明一刻奉禮帥贊者先入就位贊引引御史太
祝以下入行埽除如常儀 質明謁者引告官以下

俱就門外位奉禮帥贊者先入就位贊引引御史以下入就位謁者引告官贊引引執事者以次入就位立定奉禮曰再拜贊者承傳

凡奉禮有辭贊者皆承傳

告官以下

皆再拜謁者進告官之左白有司謹具請行事退復位奉禮曰再拜在位者皆再拜初謁者白請行事太官令出帥進饌者奉饌陳於東門之外初太官令出太祝跪取玉幣於篚興立於尊所謁者引告官升自午陛北向立太祝以玉幣東向授告官告官受玉進北面跪奠於昊天上帝神座俛伏興少退北向再拜謁者引降還本位太祝還尊所太官令引饌入升自

午陞太祝迎引於壇上設於神座前籩豆蓋帛設訖徹之如式

太官令以下降自東陞復位太祝還尊所謁者引告

官詣罍洗盥手洗爵訖升自南陞詣酒尊所執尊者

舉罍告官酌汎齊謁者引告官詣神座前北面跪奠

爵俛伏興少退北向立太祝持版進於神座之右東

面跪讀祝文祝文臨時撰訖興告官再拜太祝進跪奠版

於神座興還尊所告官再拜訖謁者引告官進天帝

神座前北向立太祝以爵酌罍福酒合置一爵一太

祝持爵進告官之右西向立告官再拜受爵跪祭酒

遂飲卒爵太祝進受爵復於坫告官俛伏興再拜訖

謁者引告官降復位太祝進跪徹豆俛伏興還尊所

奉禮曰再拜在位者皆再拜告官不拜奉禮又曰再拜告

官以下皆再拜謁者進告官之左白請就望燎位謁者引告官就望燎位南向立於眾官將拜太祝執篚進神座取玉幣祝版降壇南行自柴壇南陞登以玉幣祝版置於柴上戶內奉禮曰可燎東西面各六人以炬燎火半柴謁者進告官之左白禮畢謁者引告官贊引引執事者以次出御史太祝以下俱復執事位立定奉禮曰再拜御史以下皆再拜贊引引出

告方澤

前一日諸告官皆清齋於告所諸衛各帥其屬晡後一刻各以其方器服守衛壇門守宮設告官以下次各於常所設陳饌幔於內壇東門之外道北南向右校埽除壇之內外又爲瘞痏於壇南外壇之內方深取足容物北出陛奉禮設版位於內外竝如常儀郊社令帥其屬以尊坩罍洗篚冪入設皆如常執尊罍篚冪者各位於尊罍篚冪之後太官令預饌酒脯醢告日未明四刻太史令郊社令各服其服升設神席如常未明二刻諸告官各服其服郊社令良醢令入實尊罍玉幣

設太尊二一實明水爲上一實醴齊次之山罍二一實玄酒爲上一

實清酒次之玉以兩
圭有邸幣以黃色

未明一刻奉禮帥贊者先入就

位贊引引御史太祝以下入行埽除如常儀 質明

謁者引告官以下俱就門外位如常贊引引御史以

下入就位謁者引告官贊引引執事者次入就位立

定奉禮曰再拜贊者承傳

凡奉禮有辭
贊者皆承傳

告官以下皆

再拜謁者進告官之左白有司謹具請行事退復位

奉禮曰再拜在位者皆再拜初謁者白請行事太官

令出帥進饌者奉饌陳於東門之外初太官令出太

祝跪取玉幣於筐興立於尊所謁者引告官詣壇升

自南陞北向立太祝以玉幣東向授告官謁者引告